

INDEX APPENDICIS

Litaniæ

	pag.
Litaniæ de sanctissimo Nomine Jesu	(19)
Litaniæ de sacratissimo Corde Jesu	(21)
Litaniæ Lauretanæ B. Mariæ Virg.	(22)
Litaniæ de S. Joseph	(23)

Preces diversæ

Oratio S. Thomæ Aqu. ante studium	(25)
Oratio S. Anselmi ante confionem	(25)
Oratio Sacerdotis antequam Confessiones excipiat	(25)
Oratio Sacerdotis postquam Confessiones exce- perit	(26)
Oratio Sacerdotis ante et post ipsius Confessionem	(26)
Precatio piacularis ad Ss̄mum Cor Jesu	(27)
Actus Dedicationis humani generis	(28)
Oratio ad D. N. Jesum Christum Regem	(29)
Formula Absolutionis generalis pro Tertiariis sæ- cularibus	(30)
In Benedictione augustissimi Sacramenti	(31)

OFFICIA PROPRIA
SANCTORUM

DIŒCESIS PADERBORNENSIS

PARS AESTIVA



RATISBONÆ ET ROMÆ

SUMPTIBUS ET TYPIS FRIDERICI PUSTET

S. SEDIS APOST. ET S. RIT. CONGR. TYPOGR.

NEO EBORACI ET CINCINNATI: APUD FR. PUSTET & CO

MCMXV.

OFFICIA PROPRIA
INDEX APPENDICES
SANCTORUM

Approbatio

Concordat cum Originali.

Paderbornæ, die 7 Septembris 1915

(L. S.)

✠ Carolus Josephus,
Episcopus Paderborn.

Oratio S. Thomas Aquinæ ad Triumphantem	(23)
Oratio S. Anselmi ante confitentem	(24)
Oratio Sacerdotis antequam Confessiones excipiat	(25)
Oratio Sacerdotis postquam Confessiones accepit	(26)
Oratio clericorum ante et postquam Confessionem	(27)
Prossatio pectoralis ad Sacerdotem	(28)
Actus Delicitationis humanae	(29)
Oratio ad D. N. Iesum Christum	(30)
Formula Absolutionis penitentialem et sacerdotalem	(31)

In Beneficiis augustinianis

Imprimatur.

Ratisbonæ, die 10 Septembris 1915

Dr. Scheglmann Vic. Gen.

RATISBONA ET ROME
SIMPITIBUS ET TYPIS FRIEDERICI PUSTET
AD EDITIONI ET CINQUANTAV: AND FR. PUSTET & CO
MCMXV

KALENDARIUM PERPETUUM

In Translatione
S. Liborii

Omnia ut in Kalendario universalis Ecclesiæ, exceptis
diebus infra descriptis:

Majus

30 Translatio S. Liborii Ep. et Conf., duplex majus. Com.
S. Felicis I Papæ et Mart.

Junius

- 5 S. Bonifatii Ep. et Mart., duplex II classis. Com. S. Eobani, Adelarii et Socior. Mm.
12 S. Joannis a S. Facundo Conf., duplex. Com. S. Leonis III Papæ et Conf., ac Ss. Basilidis et Socior. Mm.

Julius

- 4 S. Udalrici Ep. et Conf., Patroni minus princ. Diœcesis, duplex majus. Com. Octavæ Ss. Apostolorum.
8 S. Kiliani, Patroni minus princ. Diœcesis et Socior. Mm., duplex majus. Com. S. Elisabeth Reginæ, Viduæ.
15 S. Henrici Imperatoris, Conf., duplex majus.
22 Dedicatio Ecclesiæ Cathedralis, duplex I classis cum Octava communi. Com. S. Mariæ Magdalenæ Pœnitentis.
23 S. Liborii Ep. et Conf., Titularis Ecclesiæ Cathedralis et Patroni princ. Diœcesis, duplex I classis cum Octava communi. Com. S. Apollinaris Ep. et Mart.
24 De Octava S. Liborii, semiduplex. Com. Octavæ Dedicacionis Ecclesiæ Cathedralis, Vigiliæ S. Jacobi Ap. et S. Christinæ Virg. et Mart.

- 27 De Octava S. Liborii, semiduplex. Com. Octavæ Dedicationis Ecclesiae Cathedralis ac S. Pantaleonis Mart.
- 28 Ss. Nazarii et Celsi Mm., Victoris I Papæ et Mart. ac Innocentii I Papæ et Conf., semiduplex. Com. Octavarum S. Liborii et Dedicat.
- 29 Octava Dedicationis Ecclesiae Cathedralis, duplex majus. Com. S. Marthæ Virg., Octavæ S. Liborii ac Ss. Felicis II Papæ, Simplicii, Faustini et Beatricis Mm.
- 30 Octava S. Liborii, duplex majus. Com. Ss. Abdon et Sennen Mm.

Paderbornie, die 7 Septembris 1915

OFFICIA PROPRIA DIŒCESIS PADERBORNENSIS

PARS ÆSTIVA

Die 30 Maii

In Translatione
S. Liborii

Episcopi et Confessoris

Duplex majus (m. t. v.)

Oratio

Deus, qui pôpulo tuo æternæ salutis beatum Libórium ministrum tribuisti, præsta, quæsumus: ut, quem Doctorem vite habuimus in terris, intercessorem habere mereamur in cælis. Per Dóminum.

Et fit Com. præcedens:

Ant. Veni, Sponsa Christi, accipe corónam, quam tibi Dóminus præparavit in æternum.

V. Diffusa est grátia in lábiis tuis. **R.** Propterea benedixit te Deus in æternum.

Oratio

Deus, virginitatis amátor, qui beatam Ma-

riam Magdalénam Virginem tuo amore succéssam cælestibus donis decorasti: da; ut, quam festiva celebritate venerámur, puritatem et caritatem imitémur. (Per Dóminum.)

Deinde Com. S. Felicis I Papæ et Mart.:

Ant. Iste Sanctus pro lege Dei sui certavit usque ad mortem, et a verbis impiorum non timuit: fundatus enim erat supra firmam petram.

V. Glória et honore coronasti eum, Dómine. **R.** Et constituisti eum super opera manuum tuarum.

Oratio (de Communi)

Infirmitatem nostram respice, omnipotens Deus: et quia pondus propriæ actionis gravat, beati Felicis Mártiris tui atque Pontificis intercessio gloriosa nos protegat. Per Dóminum.

In II Nocturno

Lectio iv

Gárolus Magnus Imperátor postquam Sáxones ferro et armis sáepius dómitos Christi fidem suscipere dócuit: Hathumárum illi genti præficiéndum curávit Episcopum. Cui succéssit Badurádus; qui provehénda et adoranda ecclésia sibi commissae totum se tradens, alicíjus Sancti corpus habére cupiébat, ut facilius pópulum in fide Dei et Sanctórum cultu firmáret. Accéptis ígitur a Ludo-vico imperatóre litteris commendatíciis núntios misit in Gálliam ad Aldricum Cenomanénsis urbis episcopum, ut ex multórum Sanctórum corpóribus ibi repósitis unum pro Paderbornéni ecclésia pérerent.

R. Invéni David servum meum, óleo sancto meo unxi eum: * Magnus enim mea auxiliábitur ei. **V.** Nihil profíeict inimicus in eo, et filius iniquitatis non nocébit ei. **Manus.**

Lectio v

Aldrícus justam petitió nem ratus eórum supplicationibus ánnuit et corpus sancti Libórii, quondam præsulis Cenomanénsis, Paderbórnam transferéndum núntiis designávit. Cumque extraherétur corpus e loco suo, ubi támdu in ecclésia duódecim Apostolórum requiéverat, in aestimabilis odoris suávitas ubique diffunditur: hincque multis miráculis Deus Sancti sui mérita declarávit. Aldrícus igitur priusquam nuntios dimitteret, pretiosissima pignora eis sub obtestatióne gravíssima commendávit, ut illa digno semper honore tractárent. Dehinc inter utrísque ecclésiae, Cenománicae videlicet et Paderbornénsis, congregatiónes firmata carítate perpétae fraternitatis, ad pátriam eis redeundi licéntiam dedit.

R. Pósui adjutórium super poténtem, et exaltávi éléctum de plebe mea: * Manus enim mea auxiliábitur ei. **V.** Invéni David servum meum,

óleo sancto meo unxi eum.
Manus.

Lectio vi

Post longum iter in ipsa sacra Pentecótes solennitáte ad desiderátam diu Paderbornénsim ecclésiam legáti cum sancto cónspice appropinquant. Tunc episcopus et omnis clerus cum univérsis ecclésiásticis cultus ornamenti procédit eis óbviam fidéli úndique pópolo confluente. Et cum clerus in hymnis et confesiónibus Deo benediceret et spirituálium cárminum melódiam sanctórum laudi concineret cóngruam, pópolus vero „Kyrie eléison“ ingemináret, eréctis cum ineffábili júbilo ad Deum méntibus singulórum, nihil ejus laude dúcarius videbátur. Tali ac tanto honore sacratissimum Libórii corpus in ecclésiam Paderbornénsim translátum est et in altári principáli repósitum. Clerus vero populiisque sacras reliquias fideli semper et devóto cultu per sácula proseguíntur ac Deus ipse per intercessiónem sancti Libó-

rii pium fidélium ánimum remuneráre et urbem totámque diecésim largíssima sua benedictióne júgiter adjuváre dignátus est ac munire.

R. Iste est, qui ante Deum magnas virtutes operárus est, et omnis terra doctrína ejus repléta est:

* Ipse intercédat pro peccátis ómnium populórum.

V. Iste est, qui contémpsit vitam mundi, et pervenit ad cælestia regna. **Ipse. Glória Patri. Ipse.**

In III Nocturno Homilia in Evangel. Homo pérere, de Communi Conf. Pont. 1 loco.

Pro S. Felice:

Lectio ix

Felix Románus, patre Constántio, Aureliáno imperatóre præfuit Ecclésiae. Constituit, ut Missa supra memórias et sepúlchra Mártyrum celebraréntur. Qui cum mense Decembri habuisset ordinationes duas, et creáset presbýteros novem, diáconos quinque, episcopos per divérsa loca quinque, martyrio coronátus, via Aurélia sepelítur in basílica, quam a se aedificá-

tam dedicárat. Vixit in pontificátu annos duos, menses quátuor, dies vi-ginti novem.

Te Deum laudámus.

Ad Laudes pro Com. S. Fe-lícis:

Ant. Qui odit ánimam su-am in hoc mundo, in vitam ætérnam custódit eam.

V. Justus ut palma flo-rebit. **R.** Sicut cedrus Libani multiplicábitur.

Oratio Infirmitátem, ut supra. 5*

Die 5 Junii

S. Bonifatii

Episcopi et Martyris

Duplex II classis

Omnia de Communi unius Mart. præter ea, quæ in Bre-viario hac die habentur propria.

In I Nocturno Lectiones A Miléto, de Communi unius Martyris.

In Laudibus fit Com. Ss. Eobani, Adelarrii et Socior Mm.:

Ant. Vestri capilli cápitis omnes numeráti sunt: no-lite timére: multis pas-séribus melióres estis vos.

V. Exsultábunt Sancti in glória. **R.** Lætabúntur in cubilibus suis.

Oratio (de Communi)

Beatórum Mártirum pa-ritéque Pontificum Eobáni et Adelárii nos, quásimus, Dómine, festa tueántur: et eórum com-méndet orálio veneránda. Per Dóminum.

In Vesperis Com. sequentis (S. Norberti Ep. et Conf.).

Die 12 Junii

S. Joannis a S. Facundo

Confessoris

Duplex

Pro Commemoratione

S. Leonis III

Papæ et Confessoris

In I Ves. Ant. Sacér-dos et Póntifex, et virtú-tum ópifex, pastor bone in pôpulo, ora pro nobis Dóminus.

V. Justum dedúxit Dó-minus per vias rectas. **R.** Et osténdit illi regnum Dei.

Oratio (de Communi)

Da, quásimus, omnípo-tens Deus: ut beáti Leónis Confessóris tui at-que Pontificis venerán-da solémnitas, et devo-tionem nobis áugeat et salútem. Per Dóminum nostrum.

Lectio ix

Leo Papa tértius ab ad-versariis suis Romæ indigne ac fœde vexátus ad Páderæ fontes anno septingentésimo nonagé-simo nono Cárolum Ma-gnum convénit auxilium rogatúrus. Rex sumnum Pontificem læto ánimo magnisque honóribus ex-cépit ac libénter ejus pré-cibus ánnuit. Ipse sum-

mus Póntifex Leo in cry-p-ta novæ ecclésiæ, quam Cárulos Magnus loco pri-o-ris a Saxónibus dirutæ ædificábat, altáre in honórem sancti Stéphani Pro-tomártiris consecrávit. Anno deinde sequente in Festo Nativitatis Dómini Romæ in basilica beáti Pe-tri Apóstoli Leo Papa má-nibus suis Cárolum Ma-gnum pretiosissima coró-na coronávit eique Impé-rium Románum détulit ap-plaudénte pôpulo univér-so. Postquam Sedem Ro-mánam et apostólicam an-nis plus quam viginti sanc-tissime et glorióssime re-xit, ex hac luce subtráctus ad ætérnam migrávit ré-quietum et sepultus quiéscit in Vaticáno. **T**e Deum.

Ad Laudes Ant. Euge, serve bone et fidélis, quia in pauca fuisti fidélis, su-pra multa te constituam, dicit Dóminus.

V. Amávit eum Dómi-nus, et ornávit eum. **R.** Stolam glóriæ induit eum.

Oratio Da, quásimus, ut supra. 8*

Die 4 Julii

S. Udalrici

Episcopi et Confessoris,

Patroni minus principalis

Diœcesis

Duplex majus

Oratio

Deus, qui nos ánnua-beáti Udalríci Confessóris tui atque Pontificis solemnitáte lætificas: concéde propítius; ut ejus suffragántibus méritis ab imminéntibus periculis li-berémur, et ætérnis gáudiis perfruámur. Per Dó-minum nostrum.

Et fit Com. Octavæ Ss. Pe-tri et Pauli:

Ant. Petrus Apóstolus, et Paulus Doctor Génti-um, ipsi nos docuérunt legem tuam, Dómine.

V. Constitues eos prin-cipes super omnem ter-

ram. **R.** Mémores erunt nómínis tui, Dómine.

Oratio

Deus, qui hodiénam diem Apostolórum tuórum Petri et Pauli martýrio consecrásti: da Ecclésiae tuæ, eórum in ómnibus sequi præcéptum; per quos religiónis sumpsit exórdium. Per Dóminum.

In II Nocturno

Lectio iv

Udalrícus, excélsa prosápia Alaman-nórum patre Hu-páldo et matre Dietpirch natus, puer mónachis sancti Galli tráditur educándus. Ibi stúdio litterárum et virtútum zelo, præsér-tim castimóniæ, ádeo ex-célluit, ut coévi „sánctu-lum“ illum derisórie jam abinde cœperint vocitáre. In pátriam revérsus, cognáto suo Adalberóni, epíscopo Augustáno, fidéli-ter desérviit et post ejus mortem bonórum suórum patrimoniálium per qua-tuódecim fere annos cu-ram gessit. Mórtuo Hil-tíno, Adalberónis succes-

sóre, Udalrícus ab Henrí-co primo rege epíscopus ecclésiae Augustánæ præ-ficitur.

R. Invéni David servum meum, óleo sancto meo unxi eum: * Manus enim mea auxiliábitur ei. **V.** Ni-hil proficiet inimicus in eo, et filius iniquitáti non nocébit ei. **Manus.**

Lectio v

Factus igitur epíscopus totum se contemplatióni dedit et sacræ lec-tiōni: interim nihilominus, ut pastor bonus, summa cura ac sollicitúdine óvi-bus suis invigilábat. Quas, tum sápius visitándo, tum quibúsvis ingruéntibus pe-rículis confirmándo, ádeo numquam deséruit, ut ir-rumpéntibus aliquándo Húngaris fórtiter resisténdo precésque férvidas ad Deum ex ánimo fundéndo cives suos e summo dis-crime feliciter liberáret.

R. Pósui adjutórium su-per poténtem, et exaltávi éléctum de plebe mea: * Manus enim mea auxiliá-bitur ei. **V.** Invéni David servum meum, óleo sanc-to meo unxi eum. **Manus.**

Lectio vi

Componéndis discídiis et inimícis reconcilián-dis óperam semper navávit egrégiam. Páuperes quotidie mensæ suæ adhibébat convívias. Abstiné-tia fuit admirábili; in oratióne étiam ad multam sæ-pe noctem assíduus, lecto plúmeo numquam est usus; nec líneo vestíménto, sed láneo tantum carnem operiébat. Longum est commemoráre, quam multa aëdificárit templá, quántaque per eum Deus contulerit dona. Atque in his piis stúdiis ac labóribus per quinquaginta annos episcopátus múnere digne et sancte func-tus óbiit quinto Nonas Júlias, anno Incarnatiónis dominicæ nongentésimo septuagésimo tértio. Eum diocésis nostra ut com-patrónum venerátur; ecclésia enim in honórem sancti Udalrici Paderbórnæ constrúcta primis tem-poribus ecclésia parochiális erat et urbi et pago Paderbornénsi.

R. Iste est, qui ante Deum magnas virtutes ope-ráitus est, et omnis ter-ra doctrína ejus repléta est: * Ipse intercédat pro peccátis ómnium populórum. **V.** Iste est, qui con-témptit vitam mundi, et pervénit ad cælestia re-gna. **Ipse. Glória Patri. Ipse.**

In III Nocturno Homilia in Evangel. Homo peregre, de Communi Conf. Pont. I loco.

Ad Laudes pro Com. Octavæ Ss. Petri et Pauli:

Ant. Gloriósi principes terræ, quómodo in vita sua dilexérunt se, ita et in morte non sunt separáti.

V. In omnem terram ex-ivit sonus eórum. **R.** Et in fines orbis terræ verba eórum.

Oratio Deus, qui hodiénam, ut supra. 10*

Die 8 Julii

S. Kiliani Patroni minus principalis Dicecessis et Sociorum Martyrum

Duplex majus

Oratio

Deus, qui sanctórum Mártyrum tuórum, Kiliáni Sociorumque ejus, méntibus constántiam in passióne aspirásti: concé-

de propitius; ut, sicut illi, devicto persecutore, a te coronari meruerunt, ita nos, eorum interventione, tua semper protectio ne defensi, ad æternæ beatitudinis mereamur gaudi a pervenire. Per Domini num nostrum.

Et fit Com. S. Elisabeth Reginæ, Viduae:

Ant. Et nunc, reges, intelligite: erudimini, qui judicatis terram.

V. Ora pro nobis, beata Elisabeth. **R.** Ut digni efficiamus promissionibus Christi.

Oratio

Clementissime Deus, qui beatam Elisabeth reginam, inter ceteras egrégias dotes, belli furoris sedandi prærogativa decorasti: da nobis ejus intercessione post mortalis vitae, quam suppliciter pétimus, pacem, ad æterna gaudia pervenire. Per Dominum.

In II Nocturno

Lectio iv



Kilianus, ex Hibernia Scotorum insula oriundus, ac-

citis sibi sociis Colonato presbýtero et Totnáno diácono vergente sáculo séptimo in Francóniam orientálem prædicándi Evangélii causa secéssit et usque ad castellum Wirzeburgum pervénit. Quia in régione cum jam ántea verbum Dei apostolicis labóribus esset disseminátum, multi tam en incolæ idólis adhuc vel ritibus éthnicis inhærébant. Tanta vero sollicitudine tantaque constán tia Kiliánus ministério suo sacro fungebáatur, ut non pauci Francórum in Christum créderent et suscépto baptísmatis sacramento in Ecclésiam sanctam Dei recipéréntur.

R. Sancti tui, Dómine, mirabile consecuti sunt iter, serviéntes præceptis tuis, ut inveniréntur illáesi in aquis válidis: * Terra appáravit árida: et in Mari Rubro via sine impedimento. **V.** Quóniam percússit petram, et fluxerunt aquæ, et torréntes inundavérunt. **Terra.**

Lectio v

Multis pro glória Dei et salutē animárum

exantlatis labóribus Kiliánus, cum, sancti Joán nis præcursoris Dómini vestigia secútus, júdicem quendam Francórum, Gozbértum nómine, a conjúgio Gáilæ, uxoris fratris sui, dimovére ni teréntur, a Gozbérto, instigante muliere illa impia, cum sociis trucidátur. Corpus beati Kiliáni a sancto Burchárdo, primo Wirzeburgénsi ordinário, in ecclésia montis sanctae Mariæ recónditum est, póstea vero in hujus diocesis ecclésia cathédrali, cui nomen erat domus Salvatóris, solemní ritu est collocátum.

R. Vérbera carnificum non timuérunt Sancti Dei, morientes pro Christi nómine: * Ut heredes fierent in domo Dómini. **V.** Tradidérunt cörpera sua propter Deum ad supplícia. **U.**

Lectio vi

In cultu sancti Kiliáni cum clero populoque Wirzeburgénsi per longam sáculorum sériem cónsona atque conjuncta est diocesis Paderbor-

nensis. Mórtuo enim sancto Stúrmio, qui in hac nostra régione evangélium ac fidem Christi prædicáverat, territórii hujus cura pastorális episcopis Wirzeburgénsibus erat commissa. Immo diocesis nostra circa initium sáculi noni fundatæ ac circumscriptæ primi episcopi, sancti præsules Hathumárus et Badurádus, in eádem urbe Wirzeburgénsi educáti et officio sa cro suo, Deo disponénte, sunt instituti. Paderbor nensis vero ecclésia tam arcto vínculo amicitiae cum Wirzeburgénsi consociata sanctum Kiliánum, Francórum apóstolum, ut compatrónum suum et intercessórem a primis annis venerabátur ejusque festum pie celebrare non désiit.

R. Tamquam aurum in fornáce probávit élertos Dóminus, et quasi holocáusti hóstiam accépit illos: et in tempore erit res pectus illórum: * Quóniam donum et pax est élctis Dei. **V.** Qui confidunt in illum, intellégent veritátem: et fidélés in

dilectione acquiescent il-
li. Quóniam. Glória Pa-
tri. Quóniam.

In III Nocturno Homilia in
Evangel. Cum audiéritis, de
Communi plurim. Martyrum
1 loco.

Pro S. Elisabeth:

Lectio ix

Elisabeth Aragóniae ré-
gibus orta est anno
Christi millésimo ducen-
tésimo septuagésimo pri-
mo. Natális ejus lætitia
perniciósas avi patrisque
dissensiónes in concór-
diā convértilt, ex quo
statim páuit quam felix
regnum regnorúmque es-
set futura pacátrix. In ca-
stigando córpore, in pré-
cibus assidue recitándis,
in caritatis opéribus exer-
céndis admirábilis fuit.
Dionýsio Lusitániae regi
in matrimonium trádita,
non minórem excoléndis
virtútibus quam liberis
educándis óperam dabat,
viro placere studens, sed
magis Deo. Monastéria,
collégia et templa non
modo exstrúxit, sed étiam
magnifice dotávit. In re-
gum discórdiis componén-
dis admirábilis fuit, in

privátis publicisque mor-
tálium sublevándis cala-
mitáibus indeféssa, et
miráculis clara. Defúncto
rege Dionýsio, cum hábitu
Seraphici órdinis induísset, quidquid sibi car-
rum aut pretiósū supér-
erat pro regis áнима tem-
plo Compostelláno óbtu-
lit, et in sacros ac pios
usus convértilt. Dénique
reges duos, filium et gé-
nerum, pacificatúra, mor-
bo ex itinere contrácto, a
Vírgine Deípara visitáta,
sanctissime óbiit. Eam,
miráculis claram, Urbá-
nus octávus inter Sanctos
adscrípsit.

Te Deum laudámus.

Ad Laudes fit Com. S. Eli-
sabeth:

Ant. Tu glória Jerúsá-
lem, tu lætitia Israël, tu
honoríféntia pópuli tui.

V. Méritis et précibus
beátæ Elisabeth. **R.** Pro-
pítius esto, Dómine, pó-
pulo tuo.

Oratio Clementissime, ut
supra. 12*

In Vesperis fit Com. S. Eli-
sabeth:

Ant. Elisabeth pacis et
patriæ mater, in cælo tri-

úmphans, dona nobis pa-
cem.

V. Ora pro nobis, beáta
Elisabeth. **R.** Ut digni
efficiámur promissióibus
Christi.

Oratio Clementissime, ut
supra. 12*

Die 15 Julii

S. Henrici

Imperatoris, Confessoris

Duplex majus (m. t. v.)

In I Vesperis Com. præce-
dentis; reliqua ut in Breviario
hac die.

In II Vesperis Com. sequen-
tis.

Die 22 Julii

In Anniversario

Dedicationis Ecclesiæ

Cathedralis

Duplex I classis cum Octava
communi

Omnia ut in Communi De-
dicationis, præter sequentia:

In II Nocturno

Lectio iv

 erram in orientáli
Westfáliae regió-
ne sitam, aquá-
rum abundántia ex tot Pá-
deræ fóntibus irrigátam,
pietas divína éligit, ut es-

set locus sacer, de quo
ceu fontes ad vicinos pó-
pulos diffluérant aquæ vi-
væ salientes in vitam ætér-
nam. Ibi enim inter Sá-
xones, Francórum armis
subjugátos et sancti Stúr-
mii prædicatiōne apostó-
lica ad fidem præparátos,
anno septingentésimo sep-
tuagésimo séptimo in vil-
la seu pago Paderbrúnna
dicto prima ecclésia erécta
est sub título Salvató-
ris. Hic último ejusdem
sæculi anno Cárolus Ma-
gnus Leónem Papam té-
rium solémni comitátu ex-
cépit atque summi orbis
christiáni príncipes, sa-
cro ampléxu uniti, spec-
tántibus pópulis fidei et
caritatis exémplum dedé-
runt. Et Summus Pónti-
flex consecratione altáris
sancti Stéphani in crypta
novæ ecclésiæ exstrénde-
dae própria manu perá-
cta, totum locum jugi quo-
dam Apostólicæ benedic-
tiónis pígnore communí-
vit.

R. Orántibus in loco
isto, * Dimitte peccáta
pópuli tui, Deus, et ostén-
de eis viam bonam, per
quam ámbulent, et da gló-

riam in loco isto. **V.** Qui regis Israël intende, qui deducis velut ovem Joseph, qui sedes super Chérubim. **Dimitte.**

Lectio v

Curae pastorali antistitis Herbipolensis primo commissa, Paderbornensis ecclésia circa annum octingentésimum sextum ad episcopálem dignitatem evécta beatum Hathumárum primum et Badurádum póstea secundum hábuit episcopum, ambos nobiles Saxonés et Herbipoli a sancto Burchárdo in scíentia et vitæ sanctitáte óptime eruditos. Incéptam vero ab Hathumáro primam ecclésiam cathédram Badurádus ad finem perdúxit et divino cùltui consecrávit. Nova haec ecclésia, rediméndis hujus terrae pópulis quoddam initium, in memoriā inchoátæ redemptiónis titulo Annuntiatiónis beatæ Mariæ Vírginis decoráta est, assúmpto simul, gratiánimi sensu, compatróno beato Kiliáno, dilécto Herbipolensis Ecclésiae protectóre. Beati Libórii ve-

ro reliquiis póstea Paderbórnam solémniter translatis idem sanctus Libórius tituláris ecclésiæ cathédralis totiusque diocesis patrónus electus est ac singulári quodam honore ut propítius apud Deum intercessor ad nostra usque tempora colebatur et cólitur.

R. O quam metuéndus est locus iste: * Vere non est hic áliud, nisi domus Dei, et porta cæli. **V.** Hæc est domus Dómini firmiter aedificata, bene fundata est supra firmam petram. **Vere.**

Lectio vi

Prima Badurádi ecclésia anno millésimo cum magna urbis parte incendio pérīit. Meinwercus deinde felicis memoriæ, episcopus Paderbornensis, novam et ampliorem Deo domum aedificavit. Ecclésiam hanc igne rursus devastátam Imad episcopus restituit, eámque iterum combústam Bernárdus, primus hujus nominis episcopus, ex cinere in novum splendórem resuscitávit. Quæ anno millesimo centésimo quadra-

gésimo quinto consecráta hodiénum, divérsis licet incéndiis minúta, pro plúrima fere parte exstat. Vetústa ac veneranda hæc domus Dei, fidélium eleemosynis digne nostris tempóribus renovata, sicut fidei patrum est monuméntum, ita perénnis maneat pro clero et pôpulo divinæ fons benedictiōnis et veræ pietatis foméntum.

R. Mane surgens Jacob erigébat lápidem in titulum, fundens óleum désuper, votum vovit Dómino: * Vere locus iste sanctus est, et ego nesciébam.

V. Cumque evigiláset Jacob de somno, ait. **Vere.** Glória Patri. **Vere.**

Ad Laudes fit Com. S. Mariæ Magdalena:

Ant. Maria unxit pedes Jesu et extérsit capillis suis et domus impléta est ex odore unguénti.

V. Elégit eam Deus, et praelégit eam. **R.** In tabernáculo suo habitare facit eam.

Oratio

Beatae Mariæ Magdalénae, quæsumus, Dó-

mine, suffrágii adjuvémur: cujus præcibus exoráti, quatriduánum fratre Lázaram vivum ab inferis resuscitásti: Qui vivis et regnas.

Vespera de sequenti, Com. præcedentis.

Die 23 Julii

S. Liborii

Episcopi et Confessoris, Titularis Ecclesiæ Cathedralis et Patroni principalis Diocesis

Duplex I classis cum Octava communis

Omnia de Communi Conf. Pont. præter ea, quæ hic habentur propria.

In I Vesperis

Ant. 1 Libório plaudat Gállia, quæ tantum virum édedit: felicior nunc Germaña, cui corpus illa crédidit.

Psalmi ut in I Vesperis de Communi Apost.

2 Beatus cui Martinus adfuit in dulci tránsitu, vocátus vir divinus cæli supérno móniu.

3 Dum sancti viri spíritum cæli súscipit cùria, felicem ejus óbitum signa prædicant vária.

4 Deum laudent in Liborio leprōsi, cæci, claudi, quos reddit adjutório saluti, luci, gréssui.

5 Felix Páderæ civitas, in qua refúget hodie ille, quem cæli bónitas ornat signis quotidie.

Capit. Eccl. 44, 16-17
Ecce sacérdos magnus, qui in diébus suis plácuit Deo, et invéntus est justus: et in témpore iracundiæ factus est reconciliatio.

Hymnus

Franciæ quondam decus atque lumen, Quem colit Sartæ Paderræque flumen, Huc ades nobis ope sanctiori,

Dive Libóri.

Tu vir in terris humilis, pudicus, Nec levis mundi vitiis amicus, Visus es jugi pietate sursum

Téndere cursum.

Tu sacerdótum decus atque forma, Factus es cleri populique norma: Et quod extérne tua vox monébat, Vita docébat.

Larga mendicis dona contulisti:

Pro Dei cultu sólitus fuísti
Ære non parvo fabricare claras

Núminis aras.

Nunc Deo junctus superisque Divis,

Alta cælorum super astra vivis;

Inde nos mæstos miserisque dulci Múnere fulci.

Te, Deus simplex pariterque trine, Cælitum laudet chorus absque fine:

Ac tibi semper canat ampliores Laudis honores.

Amen.

V. Amávit eum Dóminus, et ornávit eum. **R.** Stolam gloriæ induit eum.

Ad Magnif. Ant. Virtus viri tam célebris et jugis intervénio nos salvet ab illécebris et cæli jungat gáudio.

Oratio

Omnipotens sempiterne Deus, qui Ecclésiam tuam in confessiōne sancti nōminis tui solidasti: præsta, quæsumus; ut, quæ sancti Liborii, Confessō-

ris tui atque Pontificis, ánnua récolit solémnia, ejus apud te suffrágiis ab omni mereátur adversitate liberári. Per Dóminum nostrum.

Et fit Commemoratio prædentalis:

Ant. O quam metuéndus est locus iste: vere non est hic áliud, nisi domus Dei, et porta cæli.

V. Domum tuam, Dómino, decet sanctitudo. **R.** In longitudinem diérum.

Oratio

Deus, qui nobis per síngulos annos hujus sancti templi tui consecratiōnis réparas diem, et sacrī semper mystériis repræsentas incólumes: exaudi preces populi tui, et præsta; ut, quisquis hoc templum beneficia petiturus ingréditur, cuncta se impetrassæ letétur. Per Dóminum.

Ad Matutinum

Invit. Adorémus Christum Regem Pontificum: * Qui meritórum gloria famulum suum decorávit Libórium.

Ps. 94. Venite, exultemus.

Hymnus

Qualis agnórum per apérta præses

Gnavus et numquam vitgilare deses

A suis arcet gréibus férorum

Ora lupórum.

Sic Cenománis, ubi præfuísti,

Præsul ac pastor bonus exstitisti,

Subtrahens illos sátanæ furóri,

Sancte Libóri.

Post, ubi cælum fúeras adéptus

Et Beatórum grémio recéptus,

Páderæ tellus tenuit refóssa

Cóporis ossa.

Hic in élæcta statióne, dignis

Te Deus fecit radiare, signis:

Hic dabis ægris ope destitútis

Dona salutis.

Sæpe tunc surdis páruit medéla,

Sæpe tunc mutis rédiit loquéla,

Sæpe tunc cæcus stúpuit refúsum

Lúminis usum.

Immo jam tristi prope
morte functi
Aut in extrémis óleo per-
úncti
Hic recepérunt rediviva
tritæ
Múnera vitæ.

Sis, precor, nobis, Deus
alme, præsto:
Cumque de vivis rapié-
mur, esto
Præmium nobis, animæ-
que munus,
Trinus et unus.
Amen.

In I Nocturno

Ant. Libórius ab infántia Deum timére coepit, et virtútum præstán-
tia semper deinceps cre-
vit.

Ant. In disciplína Dó-
mini hic pémanens assí-
due mox dicat ejus nô-
mini hóstiam sanctam quo-
tidie.

Ant. Postquam vir Dei
Pavácius ad cælum fuit
evéctus, in loco suo Li-
bórius voce una fuit eléc-
tus.

V. Amávit eum Dó-
minus, et ornávit eum.
R. Stolam gloriæ induit
eum.

De libro Ecclesiástici
Lectio i Cap. 50, 1-5

Sacérdos magnus,
qui in vita sua
suffúlsit domum,
et in diébus suis corroborávit templum. Templi
étiam altitúdo ab ipso
fundáta est, duplex aedificá-
tió, et excélsi parietes templi. In diébus ipsius emanavérunt pútei aquárum, et quasi mare adim-
pléti sunt supra modum. Qui curávit gentem suam, et liberávit eam a perdi-
tione. Qui præváluit amplificáre civitátem, qui adéptus est gloriā in con-
versatióne gentis: et in-
gréssum domus, et átrii amplificávit.

R. Libórius ab infántia
sua semper Deum timuit,
mandáta ejus custodivit,
* Et immóbilis in ejus ti-
móre permánsit. **V.** Beá-
tus homo, quem tu eru-
dieris, Dómine, et de lege
tua docuéris eum. **Et.**

Lectio ii Cap. 50, 6-12

Quasi stella matutina in
média nébulæ, et qua-
si luna plena in diébus
suis lucet. Et quasi sol

refúlgens, sic ille effúlsit
in templo Dei. Quasi ar-
cus refúlgens inter nébu-
las gloriæ, et quasi flos
rosárum in diébus ver-
nis, et quasi lilia, quæ
sunt in tránsitu aquæ, et
quasi thus rédolens in dié-
bus aestatis. Quasi ignis
effúlgens, et thus ardens
in igne. Quasi vas auri
sólidum, ornátum omni
lápide pretioso. Quasi oli-
va púllulans, et cypréssus
in altitudinem se extól-
lens, in accipiéndo ipsum
stolam gloriæ, et vestíri
eum in consummatiōnem
virtutis. In ascénsu altá-
ris sancti gloriā dedit
sanctitatis amictum.

R. Obtulit holocáustum
Dómino, et clamávit ad
Dóminum pro Israël, *
Et exaudívit eum Dómi-
nus. **V.** Immolávit Deo
sacrificiū laudis, et redi-
dit Altissimo vota sua.
Et.

De Epistola beáti Pauli
Apóstoli ad Hebráeos

Lectio iii Cap. 5, 1-6

Omnis namque Pónti-
fex ex hominibus as-
sumptus, pro hominibus
constitúitur in iis, quæ

sunt ad Deum, ut offéret
dona, et sacrificia pro
peccátis: qui condolére
possit iis, qui ignórant, et
errant: quóniam et ipse
circúmdatus est infirmi-
tate: et propterea debet
quemádmodum pro pô-
pulo, ita étiam et pro se-
metipso offérrre pro pec-
cátis. Nec quisquam su-
mit sibi honórem, sed qui
vocátur a Deo tamquam
Aaron. Sic et Christus
non semetipsum clarificá-
vit, ut Póntifex fieret;
sed qui locútus est ad
eum: Filius meus es tu,
ego hódie génu te. Quem-
ádmodum et in alío loco
dicit: Tu es Sacérdos in
æternum secundum órdi-
nem Melchisedech.

R. Quesivit Dóminus
sibi virum juxta cor su-
um, * Et præcépit ei, ut
esset dux * Super pôpu-
lum suum. **V.** Quemcúm-
que éligerit Dóminus,
ipse erit sanctus. **Et.** Gló-
ria Patri. Super.

In II Nocturno

Ant. Doctrína et exé-
mpli antistes emíciit; ar-
dens in Dei templo lu-
cérra resplénduit.

Ant. Libório dat glóriam ab illo plebs instrúcta; narrent ejus memóriam templo constrúcta.

Ant. Qui longe semper ánimum a mundi abstráxit glória, dum diem agnóvit últimum, cæli recépit præmia.

V. Elégit eum Dóminus sacerdótēm sibi. **R.** Ad sacrificandum ei hóstiam laudis.

Lectio iv

Bibórius honéstis paréntibus in Gália natus, et ab ineúnte ætate caducárum rerum illécebras aversátus, egrégiam índolem præcláris móribus et humanárum sacrarúmque literárum stúdiis ádeo diligénter excóluit, ut procéssu témporis, probitáris ac sapiéntiae proficiens increméntis, maturitátem virilis ornáret ætatis. Cle-ro adscriptus, et officiis functus ecclesiásticis, ámplius totum se divino cíltui mancipávit, studuitque cunctos actus cogitatúsque suos ita ad rationis normam dirígere, ut nihil appéteret pœnitén-

dum. Modéstia itaque, abstinentia, castimónia, aliisque virtutibus conspicuus, Pavácio Cenomanénsi epíscopo defúncto, unánimi civitatis consensu, quartus ejusdem sedis antistites sufficitur.

R. In diébus ipsius emanáverunt pútei aquárum. * Qui curávit gentem suam et liberávit eam a perditioñe. **V.** Seipsum præbuit exémplar bonorum óperum in doctrina, in integraté, in gravi-tate. **Qui.**

Lectio v

Ea dignitatis accessione nihil intérius immutá-tus, in concrérita sibi Dómini vínea excolénda totus fuit. Assídua prædicatiōne, vita innocéntis exémplo, effusa in páuperes caritáte præcipue insignis, populi mores reformávit, ac potens in ópere et sermóne, multos integratí vitæ fideique restítuit. Domus Dei décōrem et cultum egrégie promovit, aëdificatis septémdecim ecclésiis, tum própriis sumptibus, tum quorúmdam nobílium ful-

tus auxilio, in quibus pro jugi divinórum officiorum celebratiōne, et affluéntibus populis sacrórū dispensatiōne, divérsi órdinis ministrós instituit. Tandem quadraginta novem annis in episcopátu sanctissime transactis, obdormivit in Dómino décimo Kaléndas Augústi. Eum in cilicio decumbéntem et ad cælestem pátriam anhelántem beátus Martinus Turonénsis epíscopus, ut tráditur, ab ángelo mónius invisi; eumque sua benedictiōne consolátus, póstea mórtuum honorifice sepeliéndum curávit in ecclésia Apostolórum Petri et Pauli, ubi sacrum corpus multis deinde miraculis coruscávit.

R. Quæsivit bona genti suæ, et plácuit illis potestas ejus: * Et glória ejus omnibus diébus. **V.** Sancta glorificávit, et multipli-cávit vasa Sanctórum. **Et.**

Lectio vi

Verum debelláta a Cárolo Magno Saxónia Badurádus, secundus Paderbórnæ epíscopus, ut

pópulum adhuc in fide rudem a paganórum erróribus per novum patrónum et intercessórem re-vocáret, divino móniu ab Aldrício, Cenomanénsi antistite, Liborii corpus im-petrávit et máxima celebritatē suscépit, anno salutis octingentésimo trigesimo sexto. Sacrae Reliquia cum transférrentur, omnes illas regiónes mira signórum frequéntia illustrárun, quorum fama in dies percrebrescénte, magnum ubique Liborii nomen esse cœpit. Sed ejus virtus contra nephriticos dolores præcipue in-vocátur ac peculiári fidélium pietatē multis in régiónibus celebrátur.

R. Non recédet memória ejus, * Et nomen ejus requiréatur * A generatiōne in generatiōnem. **V.** Habet vitam æternam, et in judicium non venit, sed transit a morte ad vitam. **Et.** Glória Patri. A generatiōne.

In III Nocturno

Ant. Dum corpus sancti antistitis ad Badurádum mittitur, fulgéntibus pro-

digiis, hoc magna turba sequitur.

Ant. Antiochi in Bruns-
vicensi exémpla renován-
tur; reliquiae ablátæ im-
péñse a Deo vindicántur.

Ant. Pretiósā tandem pí-
gnora Pádera rursus áci-
cipit; jugiáque cæli mû-
nera manántia ex illis ré-
cipit.

V. Tu es sacérdos in
æténum. **R.** Secúndum
órdinem Melchisedech.

Léctio sancti Evangélii
secúndum Matthæum

Lectio vii Cap. 25,14-23

In illo témpore: Dixit
I Jesus discípulis suis
parábolam hanc: Homo
pégre proficiscens, vo-
cavit servos suos, et trá-
didit illis bona sua. Et
réliqua.

Homilia sancti Gregórii
Pape

Homilia 9 in Evang. circa med.

Bene, fratres carís-
simi, ália quinque
talénta, vel ália
duo in lucrum venísse re-
feruntur; quia dum utrí-
que séxui prædicatio im-
pénditur, quasi accépta

talénta geminántur. Sed
is qui unum taléntum ac-
céperat, ábiens fodit in
terram, et abscóndit pecúniam dómini sui. Ta-
léntum in terra abscón-
dere, est accéptum ingé-
niūm terrénis áctibus im-
plicáre, lucrum spiritálē
non quárerere, cor a terré-
nis cogitationib⁹ num-
quam levare. Sunt nam-
que nonnúlli, qui donum
intelligéntiæ percepérunt:
sed tamen sola, quæ car-
nis sunt, sápiunt. De qui-
bus per prophétam dici-
tur: Sapiéntes sunt, ut
fácient mala; bene autem
fácerē nesciérunt.

R. Ossa prophetárum
púllulent de loco suo. *
Nam corroboravérunt Ja-
cob, et redemérunt se in
fide virtútis. **V.** Ossa ip-
sius visitáta sunt, et post
mortem prophetavérunt.
Nam.

Lectio viii

Sed Dóminus qui quin-
que talénta cónculit,
ratiónem positúrus redit:
quia is, qui nunc pie spi-
ritália dona tríbuit, di-
strícte in judício mérita
exquirit: quid quisque ac-
cépit, considerat, quod lu-

crum de accéptis repórtet,
pensat. Servus qui gemi-
náta talénta rétulit, a Dó-
mino laudátur, atque ad
æténam remuneratióne-
m intrómittitur, cum ei voce
domínica dícitur: Euge,
serve bone et fidélis, quia
super pauca fuísti fidél-
is, super multa te consti-
tuam, intra in gáudium
Dómini tui.

R. Agnóvit Christiánus,
maniféstam Dei virtútem
in semetipso conspiciens,
quod * Rapinæ impiórum
détrahent eos, * Et anni
impiórum brevia buntur.
V. Custódit Dóminus ómnia
ossa Sanctórum suórum,
unum ex his non
conterétur. Rapinæ. Gló-
ria Patri. **Et.**

Lectio ix

Pauca quippe bona sunt
ómnia præséntis vitæ,
quálibet multa esse vi-
deántur, comparatióne re-
tributióne ætérnæ. Sed
tunc fidélis servus super
multa constitúitur, quan-
do devicta omnis corrup-
tióne moléstia, de æté-
nis gáudiis in illa cælesti
sede gloriáatur. Tunc ad
Dómini sui gáudium per-

fécte intromíttitur, quan-
do in ætéerna illa pátria
assúmptus, atque Ange-
lórum cétibus admíxtus,
sic intérius gaudet de mû-
nere, ut non sit jam, quod
extérius dôleat de corrup-
tióne.

Te Deum laudámus.

Ad Laudes et per Horas

Ant. 1 Lux est solém-
nis hódie, * mundi læ-
tetur máchina, Libórii me-
móriæ cæli congáudent
ágmina.

Psalmi de Dominica.

2 Illústri de prosápia *
Gallórum qui progénitus
excrévit elegántia virtú-
tum stirpem pénitus.

3 Benigne, sancte, só-
brie * sese regens in óm-
níbus præféctus est ecclé-
siæ præsul regéndis óvi-
bus.

4 O dígnitas exímia, *
quam mériti divinitus,
præsidia sublimia sunt,
quæ præstat humánitus.

5 Revéra non huic dé-
mitur * virtus impetrá-
tória, cui tot signórum
tráditur notíssima memó-
ria.

Capit. Eccli. 44, 16-17

Ecce sacérdos magnus,
Qui in diébus suis plá-
cuit Deo, et invéntus est
justus: et in témpore ira-
cundiæ factus est recon-
ciliatio.

Hymnus

Jesu coróna méntium
Æterna te coléntium;
Quo dante, non inglórius
Tot signa dat Libórius.

En sacra lux incláruit,
Qua præsul hic appáruit
In sempitérno lúmine,
Tuo béatus númerine.

**Hic post subácta crimi-
na**

Ad celsa divum límina
Pervénit abstínéntia,
Precúmque diligéntia.

Orci furóres désputit,
Mundi cadúca résputit,
Fulsítque castimónia
Et morum sanctimónia.

Durábat in labóribus,
Gaudébat in dolóribus;
Sic ille per terréstria
Teténdit ad caéléstia.

Jesu, precántes résponce;
Nec vota nostra déspice;
Largíre nobis grátiam,
Et ejus efficáciam.

Fac in tuórum córdibus,
Quæ munda fac a sórdi-
bus,

Divína crescat cáritas,
Vítæque puræ cláritas.

Et tu, béata Trinitas,
Boníque fons Divínitatis,
Nos ad salútis átria
Duc in supérna pátria.
Amen.

V. Justum dedúxit Dómi-
nus per vias rectas. **R.** Et
osténdit illi regnum Dei.

Ad Bened. **Ant.** Libóri,
pastor óptime, * qui mor-
bis et languóribus mé-
dérís Dei múnere, medére
morbis ánimæ, nosque fac
sanctis móribus ad regna
sancta cùrrere.

Oratio

Omnipotens sempitérne
Deus, qui Ecclésiam
tuam in confessióne sancti
nóminis tui solidásti: præ-
sta, quæsumus; ut, quæ
sancti Libórii, Confessó-
ris tui atque Pontíficis,
ánnua récolit solémnia,
ejus apud te suffrágiis ab
omni mereátur adversitá-
te liberári. Per Dómi-
num nostrum.

Et fit Com. S. Apollinaris
Ep. et Mart.:

Ant. Qui odit ániam
suam in hoc mundo, in
vitam ætérnam custódit
eam.

V. Justus ut palma flo-
rébit. **R.** Sicut cedrus
Líbani multiplicábitur.

Oratio

Deus, fidélium remune-
rátor animárum, qui
hunc diem beáti Apollí-
náris sacerdótis tui mar-
tírio consecrásti: tríbue
nobis, quæsumus, fámuli
tuis; ut, cujus vene-
rándam celebrámus festi-
vitatétem, précibus ejus in-
dulgéntiam consequámur.
Per Dóminum.

Ad Tertiam

Capit. Ecce sacérdos, ut
supra. 26*

R. br. Amávit eum Dó-
minus, * Et ornávit eum.
Amávit. **V.** Stolam gló-
riæ induit eum. **E**t Gló-
ria Patri. Amávit.

V. Elégit eum Dóminus
sacerdótēm sibi. **R.** Ad
sacrificándum ei hóstiam
laudis.

Ad Sextam

Capit. Eccli. 44, 20

Non est invéntus similis
illi, qui conserváret
legem Excélsi: ideo jure-
jurando fecit illum Dómi-
nus créscere in plebem
suam.

R. br. Elégit eum Dómi-
nus * Sacerdótēm sibi.
Elégit. **V.** Ad sacrificán-
dum ei hóstiam laudis.
Sacerdótēm. Glória Pa-
tri. Elégit.

V. Tu es sacérdos in
æténum. **R.** Secúndum
órdinem Melchisedech.

Ad Nonam

Capit. Eccli. 45, 19-20

Fungi sacerdótio, et ha-
bère laudem in nómi-
ne ipsius, et offérre illi
incénum dignum in odó-
rem suavitatis.

R. br. Tu es sacérdos
* In æténum. **Tu.** **V.**
Secúndum órdinem Mel-
chisedech. In. Glória Pa-
tri. **Tu.**

V. Justum dedúxit Dó-
minus per vias rectas.
R. Et osténdit illi regnum
Dei.

In II Vesperis

Antiphonæ et Capitulum de
Laudibus, Psalmi ut in I Ve-
spéris de Communi Apostolo-
rum, sed loco ultimi dicitur
Ps. 131 Meménto, Dómine,
David, ut in II Vespéris de
Communi Conf. Pont., Hym-
nus ut in I Vespéris.

V. Justum dedúxit Dó-
minus per vias rectas.

R. Et osténdit illi regnum Dei.

Ad Magnif. Ant. Christi præsul egrégius, pro nobis hic Libórius oret Deum altíssimum, ne pro culpa peccáminum morbo vexémur cálculi; succúrrant nobis Angeli, et post vitæ certámina ducent ad vera gáudia.

J Infra Octavam et in die Octava Antiphonæ et Psalmi ad omnes Horas et Versus Nocturnorum de occurrenti hebdomadæ die, ut in Psalterio; reliqua ut in Festo præter Lectiones cum suis Responsoriis, quæ in I Nocturno dicuntur de Scriptura occurrenti, in II et III pro singulis diebus assignantur propriae.

Die 24 Julii
De II die infra Octavam
S. Liborii
Episcopi et Confessoris

Semiduplex

In II Nocturno

Sermo sancti Ambrósii
Episcopi

Serm. 16 de deposit. S. Eusebii

Lectio iv

Depositiōnem sancti Libórii hódie celebrámus. Quid est depositio? Non illa

útique, quæ sepeliéndis in terra membrórum reliquiis clericórum mánibus procurártur: sed illa, qua homo vínculis carnálibus absolútus liber itúrus ad cælum, terrénum corpus expónit. Ipsa plane est deposítio, in qua concúpiscere abjicimus, cessámus delinquere, peccáre desinimus; et totum quidquid salúti est grave, quasi abjecta sárcina óneris, expónimus. Nam ídeo hæc dies pro celebritáte máxima procurártur, quia vere est summa festivitas, mórtuum esse vitiis, soli vigé justitiæ.

R. In diébus ipsius emanávérunt pútei aquárum.
***** Qui curávit gentem suam et liberávit eam a perditioñe. **V.** Seipsum præbuit exémplar bonórum óperum in doctrina, in integritaté, in gravitaté. **Qui.**

Lectio v

Unde et deposítio ipsa dies natális dicitur, quod delictórum cárccere liberáti, libertati náscimur Salvatóris. Sed videámus, sanctus Libórius cum qua glória ad

hanc diem deposítionis advénerit. Voláre non potest, nisi quod purum, leve atque subtile est, cuius nec sincéritas intemperántia retardártur, nec alácritas nec velócitas mole gravátur. Gravári autem volátum dico, non tam mole membrórum, quam póndere delictórum. Unde puto étiam in ipsis ávibus ideo velócius colúmbam habere præ omnibus volitare, quod alacritatē et innocéntiam comitétur.

R. Quæsívit bona genti suæ, et plácuit illis potestas ejus: * Et glória ejus omnibus diébus. **V.** Sancta glorificávit, et multiplicávit vasa Sanctórum.

Et.

Lectio vi

Dénique sanctus David, cum puritaté mentis voláre concupiseret, non alterius animántis nisi colúmbæ optávit alas, dicens: Quis dabit mihi pennas sicut colúmbæ, et volábo, et requiéscam? Intelligébat enim, quod altióra facilius penetréntur simplicitatē mentis, quam levitatē pennarum. Volávit ergo hac die sanc-

tus Libórius. Æstimémus jam ejus innocéntiam de volátu, et puritatē ejus de ipsa elatiōne judicémus: tamquam colúmba enim in domo Dei degens, assúmpsit spirituáles pennas, et requiévit in monte.

R. Non recédet memória ejus, * Et nomen ejus requirétur * A generatiōne in generatiōnem. **V.** Habet vitam æternam, et in judicium non venit, sed transit a morte ad vitam. **Et.** Glória Patri. A generatiōne.

In III Nocturno

Léctio sancti Evangélii secúndum Matthéum

Lectio vii Cap. 25, 14-23

In illo tempore: Dixit Jesus discípulis suis parabolam hanc: Homo pérrege proficiscens, vocávit servos suos, et trádedit illis bona sua. Et reliqua.

De Homilia sancti Grgorii Papæ

Homilia 9 in Evang. circa finem

Sciéndum vero est, quod nullus ab hac talénti accep-

tione securus est. Nullus namque est, qui veraciter accipit: Talentum minime accipi, non est unde rationem pónere cogar: talenti enim nōmine cuiilibet páuperi étiam hoc ipsum reputabitur, quod vel minimum accépit. Alius namque accépit intelligéntiam: prædicationis ministerium debet ex talento. Alius terrénam substántiam accépit: erogationem talenti debet ex rebus. Alius didicit artem, qua pásctitur: ipsa ars ei in talenti acceptióne reputatur. Alius familiaritatis locum apud divitem méruit; talentum profecto familiaritatis accépit. Si ergo nihil pro indigéntibus lóquitur, pro talenti retentione damnáatur.

R. Ossa prophetarum púllulent de loco suo. * Nam corroboravérunt Jacob, et redemérunt se infide virtutis. **V.** Ossa ipsius visitata sunt, et post mortem prophetavérunt. Nam.

Lectio viii

Tantum quippe ab uno quóque nostrum venturus iudex exiget, quan-

tum dedit. Ut ergo de talenti sui rationib⁹, redéunte Dómino, quisque securus sit, cum timore penset quotidie quid accépit. Ecce namque jam juxta est, ut ille, qui pérrege profectus est, rédeat. Quasi quippe pérrege abiit, qui scilicet de hac terra, in qua natus est, longe discéssit, sed profecto revertitur, ut de talentis rationes ponat: quia si a bona actíone torpescimus, de ipsis donis quæ cónstulit, non distictius júdicat.

R. Agnóvit Christiánus, manifestam Dei virtutem in semetipso conspiciens, quod * Rapinæ impiorum détrahent eos, * Et anni impiorum breviabuntur. **V.** Custódit Dóminus ómnia ossa Sanctórum súorum, unum ex his non conterétur. Rapinæ. Glória Patri. Et.

IX Lectio pro Vigilia S. Jacobi de Homilia in Evangelio. Hoc est præceptum, ut pro Vigiliis App. in Communi.

Ad Laudes fit Com. Octavæ Dedicationis:

Ant. Zachæ, festinans descendé, quia hodie in

domo tua opörtet me manére; at ille festinans descendit, et suscépit illum gaudens in domum suam. Hódie huic dómui salus a Deo facta est, allelúja. **V.** Hæc est domus Dómini firmiter aedificata. **R.** Bene fundata est supra firmam petram.

Oratio (de Communi)

Deus, qui nobis per síntulos annos hujus sancti templi tui consecratiónes réparas diem, et sacris semper mystériis repræsentas incólumes: exaudi preces populi tui, et præsta; ut, quisquis hoc templum beneficia petiturus ingréditur, cuncta se impetrásse lætetur.

Deinde Com. Vigilia; Antiphona et **V.** de Feria currenti, ut in Psalterio.

Oratio (de Communi)

Da, quæsumus, omnipo-tens Deus: ut beati Jacobi, Apóstoli tui, quam prævenimus, veneranda solémnitas, et devotionem nobis áugeat et salútem.

Postea Com. S. Christinae Virg. et Mart.:

Ant. Simile est regnum cælórum homini negotia-

tóri quærénti bonas mar-garítas: invénta una pre-tiosa, dedit ómnia sua, et comparávit eam.

V. Diffusa est grátia in lábiis tuis. **R.** Propterea benedixit te Deus in æternum.

Oratio (de Communi)

Indulgéntiam nobis, quæsumus, Dómine, beata Christína Virgo et Martyr implóret: quæ tibi grata semper exstitit et mérito castitatis, et tuæ professióne virtutis. Per Dóminum nostrum.

Vesperæ de sequenti.

Die 25 Julii

S. Jacobi Apostoli

Duplex II classis

Ad Laudes fit Com. S. Christophori Mart. tantum.

In II Vesperis Com. sequentis.

Die 26 Julii

S. Annæ Matris B. Mariæ V.

Duplex II classis

In II Vesperis non fit Com. sequentis.

Die 27 Julii
De V die infra Octavam
S. Liborii

Episcopi et Confessoris

Semiduplex

In II Nocturno

Sermo sancti Gregorii
Nysseni

In funere magni Meletii,
circa medium

Lectio iv

Gum primum bene morata, ac modesta Ecclesia beatum Liborium vidit, vidit fäciem ad imáginem Dei vere formátam, vidit dilectionem fontis modo scaturientem, vidit grátiām lábiis circumfusām, ánimí demissiónis summum gradum, post quem amplius quidquam cogitari non potest. Vedit mansuetudinem atque clementiam, qualis in Davide fuit: qualis in Salomóne, intelligentiam atque prudéntiam: qualis in Móyse, bonitatem: qualis in Samuéle, perfectiónem: qualis in Josépho, continéntiam pudicitiamque: qualis in Daniéle, sapiéntiam: quemádmodum magnus Elías zelo fidei præditum:

sicut sublímis Joánnes, integraté cörperis ornatum: sicuti Paulus, inexsuperabili prædictum dilectione.

R. In diébus ipsius emanavérunt pútei aquárum.
* Qui curávit gentem suam et liberávit eam a perditóne. **V.** Seipsum præbuit exémplar bonórum óperum in doctrína, in integraté, in gravitaté. Qui.

Lectio v

Vidit tot bonórum circa unam ánimam concúrsum. Amore beato vulnerata est, casto bonoque sponsum suum amore atque benevoléntia prosecuta diléxit. Sed priúquam cupiditatēm expleret, ántequā desidérium recreáret atque sedáret, amoris vi fervens, tentationibus athlétam ad certámina vocántibus, sola relicta est. Atque ille quidem in certamínibus propietate suscéptis desudabat; hæc vero durábat in castitáte matrimónium consérvans.

R. Quæsívit bona genti suæ, et plácuit illis potestas ejus: * Et glória ejus

ómni bus diébus. **V.** Sancta glorificávit, et multipli cavit vasa Sanctórum. **Et.**

Lectio vi

Non ablátus est a nobis sponsus: in médio nostrum stat, etiámsi nos non videámus; in ádytis ac penetrálibus sacérdos est, in interióribus veli, quo præcúrso r pro nobis ingrüssus est Christus, reliquit carnis teguméntum. Non amplius signo et umbrae cælestium servit, sed in ipsam rerum imáginem intuétur: non amplius per spéculum, atque per transénnam et aénigma, sed ipsa fácie cum fácie colláta intercedit apud Deum.

R. Non recédet memória ejus, * Et nomen ejus requiréatur * A generatione in generationem. **V.** Habet vitam æternam, et in judicium non venit, sed transit a morte ad vitam. **Et.** Glória Patri. A generatione.

In III Nocturno

Lectio sancti Evangélii secúndum Matthéum

Lectio vii Cap. 25,14-23

In illo tempore: Dixit

parábolam hanc: Homo peregre proficiscens, vocávit servos suos, et trádidit illis bona sua. Et réliqua.

Homilia sancti Joánnis Chrysóstomi

Homilia 79 in Matth. circa medium

Falénta hic pro eo, quod unusquisque facere potest, accipimus, sive auctoritatē protégere, sive pecúnii juvare, sive doctrina admonére, sive alia quápiam re próximis prodésser queas. Nemo secum dicat: Cum unum taléntum hábeam, nihil possum efficere: potes profecto ex ea una re sola comprobári. Non es pauperior illa vídua, non es Petro atque Joánnem rustícor: qui quamvis rudes simul, atque illiterati fuérunt, quóniam magno stúdio commúnem utilitatem compléxi fúerant, cælorum príncipes facti sunt.

R. Ossa prophetarum púllulent de loco suo. * Nam corroboravérunt Ja-

cob, et redemérunt se in fide virtútis. **V.** Ossa ip-
sius visitáta sunt, et post mortem prophetavérunt.
Nam.

Lectio viii

Quippe nulla res Deo grátior est, quam ut univérsam vitam ad commúne cōmodum cōferras. Idcirco ratione atque oratiōne nos Deus decóravit, mentem et ingénium concéssit, manus, pedes, vires córporis dedit, ut his ómnibus et nos ipsos et próximos tutémur. Non enim ad agéndas grátias solúmmodo confert oratiō, verum étiam ad docéndum et admonéndum perútilis est: qua in re si ea diligénter utémur, Dóminum; sin vero in contráriis, diábolum imitábi-
mur.

R. Agnóvit Christiánus, manifestam Dei virtútem in semetipso conspiciens, quod * Rapinæ impiórum détrahent eos, * Et anni impiórum breviabúntur. **V.** Custódit Dóminus ómnia ossa Sanctórum suórum, unum ex his non conterétur. Rapinæ. Glória Patri. **Et.**

Pro S. Pantaleone Martyre:

Lectio ix

Pantáleon Nicomedién-sis, nóbilis médicus, ab Hermoláo presbýtero in Jesu Christi fide eruditus, baptizátus est: qui mox patri Eustórgio per-
suásit, ut Christianus fíeret. Quare cum Nicomedíæ póstea Christi Dómini fidem libere prædicáret, et ad ejus doctrínam omnes cohortarétur, Dio-
cletiáno imperatóre equú-
leo tortus, et admótis ad ejus corpus láminis candéntibus, cruciátus est: quam tormentórum vim æquo et forti ánimo fer-
rens, ad extrémum gládio percússus, martýrii corónam adéptus est.

Te Deum laudámus.

Ad Laudes fit Com. Octavæ Dedi-
cationis:

Ant. Zachæe, festinans descénde, quia hódie in domo tua opörtet me manére: at ille festinans de-scéndit, et suscépit illum gaudens in domum suam. Hódie huic dómui salus a Deo facta est, allelúja.

V. Hæc est domus Dómini firmiter aedificáta.

R. Bene fundáta est su-
pra firmam petram.

Oratio

Deus, qui nobis per sín-
gulos annos hujus sancti templi tui consecra-
tiónis réparas diem, et sacris semper mystériis re-
præsentas incólumes: ex-
audi preces pópuli tui, et
præsta; ut, quisquis hoc
templum beneficia petitú-
rus ingréditur, cuncta se
impetrásse lætetur.

Deinde Com. S. Pantaleo-
nis:

Ant. Qui odit ánimam su-
am in hoc mundo, in vitam
æternam custódit eam.

V. Justus ut palma flo-
rébit. **R.** Sicut cedrus Lí-
bani multiplicábitur.

Oratio (de Communi)

Prästa, quásimus, om-
nipotens Deus: ut, in-
tercedénte beáto Panta-
leónē Mártyre tuo, et a
cunctis adversitatibus li-
berémur in córpore, et a
pravis cogitatióibus mun-
démur in mente. Per Dó-
minum nostrum.

Vesperæ de sequenti, Com.
præcedentis et Octavæ Dedi-
cationis.

Die 28 Julii

Ss. Nazarii et Celsi Mm.,
Victoris I Papæ et Mart.,
ac Innocentii I Papæ et
Confessoris

Semiduplex

Ad Laudes fit Com. Octa-
var. S. Liborii et Dedicationis.

Vesperæ de sequenti, Com.
præcedentis, S. Marthæ Vir-
ginis, Octavæ S. Liborii, ac
Ss. Felicis II Papæ, Simplicii,
Faustini et Beatricis Marty-
rum.

Die 29 Julii

In Octava
Dedicationis Ecclesiæ
Cathedralis

Duplex majus

Antiphonæ et Psalmi ad om-
nes Horas, et Versus Nocturnorū de occurrenti hebdo-
madæ die, ut in Psalterio; reli-
quia ut in Festo, præter Le-
ctiones, quæ in I Nocturno di-
cuntur de Scriptura occurrenti
cum suis Responsoriis de
Tempore, in II et III de Com-
muni in die Octava.

Pro Com. præcedentis:

Ant. Gaudent in cælis áni-
mæ Sanctórum, qui Chri-
sti vestigia sunt secuti: et
quia pro ejus amore sán-
guinem suum fudérunt,
ideo cum Christo exsúltan-
t sine fine.

V. Exsultábunt Sancti in glória. **R.** Lætabúntur in cubilibus suis.

Oratio

Sanctórum tuórum nos, Dómine, Nazárii, Celsi, Victóris, et Innocéntii conféssio beáta communiat: et fragilitati nostra sub sídium dignánter exóret.

Pro S. Martha:

Ant. Veni, Sponsa Christi, áccipe corónam, quam tibi Dóminus præparávit in ætérnum.

V. Spécie tua et pulchritúdine tua. **R.** Intén-de, pròspere procéde, et regna.

Oratio (de Communi)

Exaudi nos, Deus, salu-taris noster: ut, sicut de beátæ Marthæ Virgini-nis tuæ festivitáte gaudémus; ita piæ devotíonis erudiámur afféctu.

Pro Octava S. Liborii:

Ant. Christi præsul egré-gius, pro nobis hic Libórius oret Deum altíssim-um, ne pro culpa peccá-minum morbo vexémur cálculi; succúrrant nobis Angeli, et post vitæ cer-

támina ducant ad vera gáudia.

V. Justum dedúxit Dó-minus per vias rectas. **R.** Et osténdit illi regnum Dei.

Oratio

Omnipotens sempítérne Deus, qui Ecclésiam tuam in confessióne sancti nóminis tui solidásti: præsta, quæsumus; ut, quæ sancti Libórii, Confessóris tui atque Pontíficis, ánnua récolit solémnia, ejus apud te suffrágiis ab omni mereátur adversitaté liberári.

Pro Ss. Martyribus:

Ant. Istórum est enim regnum cælórum, qui contempserunt vitam mundi, et pervenérunt ad præmia regni, et lavérunt stolas suas in sanguine Agni.

V. Lætámini in Dómino et exsultáte, justi. **R.** Et gloriámini, omnes recti corde.

Oratio

Præsta, quæsumus, Dómine: ut, sicut pópu-lus christiánus Mártirum tuórum Felicis, Simplicii, Faustini et Beatricis tem-

poráli solemnité con-gáudet, ita perfruátur ætéerna; et quod votis cé-lebrat, comprehéndat ef-féctu. Per Dóminum.

V. Pro utentibus Breviario antiquo Lectiones III Nocturni ut in die IV infra Octavam.

Pro S. Martha:

Lectio ix

Martha, nobílibus et co-piós paréntibus na-ta, sed Christi Dómini ho-spítio clárior, post ejus ascénsum in cælum, cum fratre, sorore multísque áliis Christiánis compre-hénsa a Judéis et in na-vem sine velo ac remigio impóssita, Massiliam appulisse tráditur. Eo mi-ráculo et horum prædicatióne Massiliénses et finí-timæ gentes in Christum credidérunt. Martha au-tem mirábili vitæ sancti-táte et caritáte ómnium Massiliénsium ánimis in sui amórem et admiratió-nem addúctis, in locum a viris remótum cum aliquot honestissimis féminis se recépit, ubi summa cum laude pietatis et prudéntiæ diu vixit; ac demum, morte sua multo ante præ-

dicta, miráculis clara mi-grávit ad Dóminum.

Te Deum laudámus.

Ad Laudes pro Com. S. Mar-thæ:

Ant. Símile est regnum cælórum hómini negotia-tóri quærénti bonas mar-garítas: invénta una pre-tiósia, dedit ómnia sua, et comparávit eam.

V. Diffusa est grácia in lábiis tuis. **R.** Proptérea benedixit te Deus in ætérnum.

Oratio Exáudi nos, ut supra. 36*

Pro Octava S. Liborii:

Ant. Libóri, pastor óptime, qui morbis et lan-guóribus medéris Dei mú-nere, medére morbis áni-mæ, nosque fac sanctis móribus ad regna sancta cùrrere.

V. Justum dedúxit Dó-minus per vias rectas.

R. Et osténdit illi regnum Dei.

Oratio Omnipotens, ut supra. 36*

Pro Ss. Martyribus:

Ant. Vestri capilli cápi-tis omnes numeráti sunt:

nolite timere: multis pas-
séribus meliores estis vos.

V. Exsultábunt Sancti
in glória. **R.** Lætabúntur
in cubilibus suis.

Oratio Præsta, quæsu-
mus, ut supra. 36*

Vesperæ de sequenti, Com.
præcedentis, S. Marthæ, ac
Ss. Abdon et Sennen Mm.

Die 30 Julii
In Octava S. Liborii
Episcopi et Confessoris
Duplex majus

Pro Com. S. Marthæ:

Ant. Veni, Sponsa Chri-
sti, áccipe corónam, quam
tibi Dóminus præparávit
in ætérnum.

V. Diffusa est grátia in
lábiis tuis. **R.** Propterea
benedixit te Deus in ætér-
num.

Oratio (de Communi)

Exaudi nos, Deus, salu-
taris noster: ut, sicut
de beatæ Marthæ Virgi-
nis tuæ festivitaté gaudé-
mus; ita piæ devotiónis
erudiámur afféctu.

Pro Ss. Martyribus:

Ant. Istórum est enim
regnum cælórum, qui con-
tempserunt vitam mundi,

et pervenérunt ad præmia
regni, et lavérunt stolas
suas in sanguine Agni.

V. Lætamini in Dómino
et exsultáte, justi. **R.** Et
gloriámini, omnes recti
corde.

Oratio

Deus, qui sanctis tuis
Abdon et Sennen ad
hanc gloriā veniéndi co-
piósum munus gratiæ con-
tulísti: da fámulis tuis
suórum véniam peccató-
rum; ut, Sanctórum tuó-
rum intercedéntibus mé-
ritis, ab omnibus mereán-
tur adversitatibus libe-
rári. Per Dóminum.

In II Nocturno

Sermo sancti Gregórii
Papæ

Lectio iv

Part. 2 Pastoral. cap. I



antum debet ac-
tiónem pôpuli ác-
tio transcéndere
præsulis, quantum distáre
solet a grege vita pastó-
ris. Opórtet namque, ut
metíri se sollicite stúdeat,
quanta tenénda rectitudi-
nis necessitaté constrín-
gitur, sub cujus aestima-
tione pôpulus grex vocá-

tur. Sit ergo, necésses est,
cogitatione mundus, ac-
tione præcipius, discré-
tus in siléntio, útilis in
verbo, singulis compas-
sione próximus, præ cunc-
tis contemplatióne sus-
pensus, bene agéntibus
per humilitatēm sócius,
contra delinquéntium ví-
tia per zelum justitiæ eré-
ctus, internórum curam in
exteriórum occupatióne
non minuens, exteriórum
providéntiam in internó-
rum sollicitudine non re-
linquens.

R. In diébus ipsius ema-
navérunt pútei aquárum.

* Qui curávit gentem su-
am et liberávit eam a per-
ditione. **V.** Seípsum præ-
buit exémplar bonórum
óperum in doctrína, in
integritaté, in gravitaté.

Qui.

Lectio v

Ibid. c. 9 et 10

Considerándum quoque
est, quia cum curam
pôpuli élctus præsul sús-
cipit, quasi ad ægrum mé-
dicus accédit. Si ergo ad-
huc in ejus corpore passi-
ones vivunt, qua præsump-
tióne percússum medéri

próperat, qui in fácie vul-
nus portat? Ille modis
omnibus debet ad exém-
plum bene vivéndi pér-
trahi, qui cunctis carnis
passiōníbus móriens, jam
spiritáliter vivit, qui pró-
spera mundi postpónit,
qui nulla advérsa perti-
mescit, qui sola intérna
desíderat: cujus intenti-
o ni bene cóngruens, nec
omníno per imbecillitatēm
corpus, nec valde per con-
tumaciā repugnat spíri-
tus: qui ad aliéna cupiē-
da non dúcitur, sed pró-
pria largítur.

R. Quæsívit bona genti
suæ, et plácuit illis poté-
stas ejus: * Et gloriā ejus
omnibus diébus. **V.** Sanc-
ta glorificávit, et multi-
plicávit vasa Sanctórum.

Et.

Lectio vi Ibid. c. 8

Unde ipsum quoque epi-
scopátus officium bo-
ni óperis expressióne de-
finitur, cum dicitur: Si
quis episcopátum desíde-
rat, bonum opus desíde-
rat. Ipse ergo sibi testis
est, quia episcopátum non
áppetit, qui non per hunc
boni óperis ministérium,

sed honóris glóriam quærit. Sacrum quippe offí-
cium non solum non dili-
git omnino, sed nescit,
qui ad culmen regíminis
anhélans in occulta medi-
tatione cogitationis cete-
rórū subjectione pás-
citur, laude propria læta-
tur, ad honórem cor ele-
vat, rerum affluéntium ab-
undántia exsultat. Mundi
ergo lucrum quæritur sub
ejus honóris spécie, quo
mundi déstrui lucra de-
buerant.

R. Non recédet memória
eius, * Et nomen ejus re-
quirétur * A generatióne
in generatióne. V. Ha-
bēt vitam aeternam, et in
judicium non venit, sed
transit a morte ad vitam.
Et. Glória Patri. A ge-
neratióne.

In III Nocturno

Lectio sancti Evangélii
secúndum Matthéum

Lectio vii Cap. 25, 14-23

I n illo tempore: Dixit
Iesus discípulis suis
parábolam hanc: Homo
peregre proficiscens, vo-
cavit servos suos, et trá-
dedit illis bona sua. Et
réliqua.

Homilia sancti Ambrósii
Episcopi

Lib. 2 de vocat. gent. cap. 2
post medium

Datur unicuique hic
sine mérito, unde
tendat ad méritum; et datur ante ullum
labórem, unde quisque
mercédem accípiat secún-
dum suum labórem. Quod
ita esse, evangélica veri-
tatis testimónio agnoscitur,
ubi per comparatió-
nem dicitur, quod homo
peregre proficiscens vo-
cavit servos suos, et trá-
dedit illis substántiam su-
am: et uni dedit quinque
talénta, álii autem duo,
álii vero unum, unicui-
que secúndum própriam
virtútem, id est, secúndum
própriam et naturálem
possibilitátem, non autem
secúndum próprium mé-
ritum: quia áliud est pos-
se operári, áliud operári:
et áliud est, posse habére
caritátem, áliud habére
caritátem.

R. Ossa prophetarum
púllulent de loco suo. *
Nam corroborávunt Ja-
cob, et redemérunt se
in fide virtútis. V. Ossa
ipsius visitáta sunt, et

post mortem prophetá-
runt. **Nam.**

Lectio viii

Non itaque omnis repa-
rábilis reparátur, nec
omnis sanabilis sanátus
est: quia reparábile et
sanábile esse, de na-
tura est: reparátum au-
tem et sanátum esse, de
grácia est. Dénique isti,
quibus secúndum módu-
lum capacítatis suae, quem
in eis distribútor substán-
tiæ prævidébat, dispar
créditus est núme-
rus talentórum; non mé-
riti remuneratióne, sed
óperis accepére maté-
riam.

R. Agnót Christiánus,
maniféstam Dei virtútem
in semetípsò conspiciens,
quod * Rapinæ impió-
rum détrahent eos, * Et
anni impiórum breviabún-
tur. V. Gustódit Dómi-
nus ómnia ossa Sanctó-
rum suórum, unum ex his
non conterétur. Rapinæ.
Glória Patri. Et.

Pro Ss. Abdon et Sennen:

Lectio ix

Abdon et Sennen Persæ,
A Décio imperatóre ac-

cusáti, quod córpora chri-
stianórum, quæ inhuma-
ta projiciebántur, in suo
prædio sepelíssent, jussu
imperatóris comprehen-
duntur, et diis jubéntur
sacrificare. Quod cum fá-
cere negligerent, et Je-
sus Christum Deum con-
stantissime prædicárent,
tráditos in arctam cu-
stódiam, Romam póstea
rédiens Décius vinctos
duxit in triúmpho. Qui
cum in Urbe ad simulácrá
attrácti essent, ea dete-
stati conspuérunt. Quam
ob rem ursis ac leóni-
bus objécti sunt: quos
feræ non audébant at-
tingere. Demum gládiis
trucidáti, colligátis pé-
dibus tracti sunt ante so-
lis simulácrum: quorum
córpora, clam inde as-
portáta, Quirinus diáco-
nus sepelívit in suis ædi-
bus.

Te Deum laudámus.

Ad Laudes pro Commemo-
ratione Ss. Martyrum:

Ant. Vestri capilli cápi-
tis omnes numeráti sunt:
nolite timére: multis pas-
séribus melióres estis
vos.

V. Exsultabunt Sancti
in gloria. **R.** Laetabuntur
in cubilibus suis.
Oratio Deus, qui sanc-
tis, ut supra. 38*
In Vesperis Com. sequentis.

Index alphabeticus

	pag.
Annae Matris B. M. V., duplex II classis. 26 Julii	31*
Bonifatii Ep. et Mart., duplex II classis. 5 Junii	8*
Dedicationis Ecclesiae Cathedralis Anniversarium, du- plex I classis cum Octava communi. 22 Julii	15*
— — Octava, duplex majus. 29 Julii	35*
Henrici Imperat., Conf., duplex majus. 15 Julii	15*
Jacobi Apostoli, duplex II classis. 25 Julii	31*
Joannis a S. Facundo Conf., duplex. 12 Junii	8*
Kiliani, Patroni minus principalis Dioecesis et Sociorum Martyrum, duplex majus. 8 Julii	11*
Leonis III Papae et Conf., Com. 12 Junii	8*
Liborii Ep. et Conf., Titularis Ecclesiae Cathedralis et Patroni principalis Dioecesis, duplex I classis cum Octava communi. 23 Julii	17*
— De II die infra Octavam, semiduplex. 24 Julii	28*
— De V die infra Octavam, semiduplex. 27 Julii	32*
— Octava, duplex majus. 30 Julii	38*
— Translatio, duplex majus. 30 Maii	5*
Nazarii et Celsi Mm., Victoris I Papae et Mart., ac In- nocentii I Papae et Conf., semiduplex. 28 Julii	35*
Udalrici Ep. et Conf., duplex majus. 4 Julii	9*

INDICES

INDEX PSALMORUM NUMERICUS

Benedic domini	10	de aliis	112
Canticum	20	de aliis	112
Confiteor quoniam	81	de aliis	112
Cum invocarem	59	de aliis	112
Verba mea	70	de aliis	112
Dileximus fratres	83	de aliis	112
Domine misere	24	de aliis	112
Exaudi eorum	30	de aliis	112
Dñe, Dñe noster	81	de aliis	112
Confitebor tibi	82	de aliis	112
Psalmi Domini	82	de aliis	112
Ut quid, Domine	25	de aliis	112
Ecclesie, Domine	84	de aliis	112
In dominio confido	84	de aliis	112
Salvum me fac	121	de aliis	112
Usquequo	126	de aliis	112
Dirit Iosephus	68	de aliis	112
Dirit angustias	64	de aliis	112
Conservare	126	de aliis	112
Exaudi, Domine	84	de aliis	112
Diligamus te	69	de aliis	112
Misericordia tua	69	de aliis	112
Et secundum	67	de aliis	112
Corde paucarum	78	de aliis	112
Deo precium	79	de aliis	112
Exaltabo te	68	de aliis	112
Flemine, in artice	68	de aliis	112
Dñe, tu es	21	de aliis	112
Confiteor quoniam	81	de aliis	112
Quoniam nescio	81	de aliis	112
Animum meum	10	de aliis	112
Iudica me	10	de aliis	112
Dñe, tu es	21	de aliis	112
Nostri, in nobis	10	de aliis	112